



Universitätsbibliothek Paderborn

Thesavrvs Sacrорvm Ritvvm, Sev Commentaria In Rvbricas Missalis Et Breviarii Romani

In quibus origo cuiusque Ritus, Causæ historicæ, vel mysticæ, ex maiorum ingenio, Theoria, Praxis, Obligatio, & exquisitus Vsus, additis opportunè Decretis omnibus S. Rituum Congregationis, quàm breuißimiè explicantur

Gavanti, Bartolommeo

Antverpiæ, 1634

De Paschate, & eiusdem Octaua. XIV.

urn:nbn:de:hbz:466:1-40244

28 Completoriū incipit esse Paschale cum principio, & fine. Antiphona ad *Nunc dimittis* dicitur ad modum ritus Semiduplicis, vt expressè dicitur in Breuiario edito 1550. Quod autem dicitur, ad Antiphonam *Regina Cœli*, &c standū esse, neque genua flecti toto tempore Paschali; hoc postremum intellige de oratione, non de adoratione, quæ semper fit cum genuflexione, vt ad ea verba patet, *Et incarnatus est*, &c. *Et Verbum caro factum est*; *Tu ergo quasumus famulis tuis*, &c. Quare ad Salutationem Angelicam, quæ ter in die sonatur cum campana, ex Decreto Ioannis XXII. vt scribit Polyd. Virgil. lib. 6. cap. 12. seu verius, manè & vesperi, ex Decreto Gregorij IX. an. 1239. vt eodem anno scribit Bzouius: & in meridie abrogatum fortasse vsum post Ioannem XXII. restituit Callistus III. an. 1456. ex eodem Bzouio, ibidem. si orationem eam esse putas, stare debes; si adorationem, genua flectere. Ego existimo adorationem esse Incarnationis Verbi diuinī: sed quia communior est hodie sensus, & usus, quod ea sit oratio, nec ego genua flecto cum alijs.

29 Quæres: An in hoc triduo ad Horas minores accendantur cerei in Altari. Et in Nocturnis quidem & Laudibus accenduntur; extinguntur autem cùm cantatur *Benedictus*, à Versu illo, *Ut sine timore*. In Feria sexta Horæ ante Missam sine cereis accensis dicuntur, Cærimon. Episcop. lib. 2. cap. 25. In Sabbato idem faciendum est ante noui ignis benedictionem. In alijs Horis ante Missam Fer. 5. & ad Vespertas quascumque accendi debent, non ad Completorium, nisi Sabbati sancti.

De Paschate, & eiusdem Oœlans.
C A P. X I V.

M Atutinum habetur, ut apud nos, in Ord. Romano, cum tribus Psalmis, totidem Antiphonis, Lectionibus, sine Hymno, quibus ternarijs significantur opere trium dierum, quæ Christus se promisit facturū in præsenti sæculo, *Luc. 13.* hoc est, dæmonia eiicere, sanctates perficere, & consummati tertia die: vel significantur Fides, Spes, & Charitas, quæ in hoc mysterio maximè vigeant. Hæc Amalar. lib. 4. cap. 23. Vel dicimus cum Ruper. lib. 8. cap. 2. in nomine S. Trinitatis celebratum esse Baptisma, & idèò tres dici Psalmos; ut autem Lectiones, quia adhuc pauci Prædicatores erant, inquit idem lib. cap. 10. Vel triduanam sepulturam recolimus, ex qua Resurrectio ortu habuit, Duran. lib. 6. cap. 87. Certè antiquum esse hunc ritum testatur, & firmavit Decreto Gregorius VII. De Consecratione, *Distinct. 5. In die*.

2 Non dicitur Hymnus, nequæd alias Horas; quia tempus Paschale significat statum Beatorum, quorum Hymnus est *Alleluia*. Duran. loc. cit.

3 Antiphona ad Laudes habentur in Breuiarijs M. S. antiquis. Capitulum non dicitur, neque ad Horas; quia in statu Beatorum non est locus exhortationi, quamvis alias diximus contineri in Capitulis. Ex quo consequenter non dicitur Responsorium breue, vt notat Durand. loc. cit. sunt enim correlativa in Horis minoribus Capitulum, & breve Responsorium; sicut exhortatio, & opus bonum, quæ in illis significantur, videlicet *Sext. 5.* neque hinc comprehendimus.

henorum, sed tantum viatorum.

4 Non dicuntur Versus nisi in Nocturno, ob eamdem causam; cum significent exhortationem animorum & conversionem ad Deum. In Nocturno dicitur, quia in nocte timor adeat, ait Amalar. *de Ord. Antiph. cap. 52.* & ob faciem noctis somnium, cum Versus fugandus est animorum torpor.

5 *Hec dies* loco prædictorum dicitur: qui Versus desumptus est è Psalmi, cuius titulus est *Alleluia*, ut notat Ruper. *lib. 7. cap. 11.* Ordo Romanus eundem Verbum habet, & significat latitudinem magnitudinem, ex Rup. *lib. 8. cap. 2.* & quod in statu Beatorum sibi inuicem gaudent & gratulantur, *Gemma lib. 3. cap. 128.*

6 Non dicitur ad Primam Symbolum Athanasij; quia in statu Beatorum non est fides, *Gemma loco citato*, qui status representatur in Christi resurrectione.

7 Vesperæ in Ordine Rom. diuidebatur, ita ut duo ultimi Psalmi, *Lauda pueri*, & *In exitu*, cantaretur ad Fontes Baptismales, in quibus baptizati facti sunt pueri, & quasi per mare rubrum transeuntes exierunt de Ægypto: sed ubi non erant Fontes, cantabantur sine diuisione, Dur. *lib. 6. cap. 89.*

8 Feriæ 2. & 3. sunt Festa maiora, quorum meminit Aug. 22. *Civit. Dei* 6. & in his, & in sequentibus diebus eadem dicuntur quæ in die primo; quia, verius dictum est, octo dies in Octaua una dies sunt, unde & dicitur quotidie, *Hec dies*. Ordo Rom. eundem habet ritum præscribens Homiliam singulis diebus, quem restituuit Pius V. addens Homiliam Feriæ tertiae, in qua paulò ante Pium legebatur Sermo sancti Augustini; & item Feriæ sextæ, in qua Sermo S. Ambrosij legebatur.

De Tempore Paschali.

C A P. X V.

1 N Dominica in Albis resumuntur plures Psalmi &c Hymni, ex Ord. Rom. vbi additur etiam causa. Deinde, inquit, in sequenti tempore quasi crescentium arborum frondes multiplicantur Psalmi, & recoluntur mores boni diuersorum operum per plures Psalmos. Idem asserit de nouem Lectionibus in hac Dominica Gemma *lib. 4. cap. 117.* Ad Primam non dicitur Psalmus *Confitemini* motu Festorum; quia tempus Paschale totum est festuum, etiam in Officio funerali.

2 In secunda Feria leguntur Actus Apostolorum, ex Decreto Gelasij, & Ordine Romano, indicat August. in Sermoni citato à Demochare Tom 4. cap. 12. Scripsit Lucas Romæ eadem Acta anno 61. Neronis quinto, ex Baron. *ad eundem annum.*

3 Psalmi dicuntur hoc tempore, feriales præsertim, sub vna Antiphona *Alleluia*, ex Gemma loco citato, quia, sicuti ex Ordine Romano paulò ante diximus, multiplicantur Psalmi quasi arborum frondes; ita ab vna Antiphona, quasi ab vna radice, congrue pendunt. Vide *Sell. 5. cap. 7. n. 5. pag. 74.* aliam causam. Ad Laudes ijdem semper Psalmi dicuntur, ex Gemma loco citato, & commemoratio de sola Crucifixione in Breuiarijs M. S. antiquis; quia fuit causa latitudine Paschalis, inquit Azor. *lib. 10. cap. 16.* & quia Christus ipse ad gloriam Crucis Vulnera renuit, ab ea, vel in ea eidem inflicta; que passim Apostolis & alijs ostendit his diebus. Oratio vero de Cruce desumpta est à Sacramentario S. Gregorij, sed.